

水經注

八冊

ル 5

114

8



114
8



水經注卷十六

後魏酈道元撰

所錢
有拘

穀水

甘水 漆水

澹水

沮水

穀水出弘農黽池縣南潘塚林穀陽谷

山海經曰傅山之西有林焉曰潘塚穀水出焉東流

注于洛其中多瑠玉今穀水出千嶠東馬頭山穀陽

谷案于近刻東北流歷黽池川本中鄉地也漢景帝

中二年案近刻脫中字初城徙萬戶為縣案近刻脫字因

水經注

卷十六 穀水

一

嶠鼃之池以目縣焉亦或謂之彭池故徐廣史記音

義曰鼃或作彭穀水出處也案近刻脫出字穀水又東逕秦

趙二城南司馬彪續漢書曰赤眉從鼃池自利陽南

欲赴宜陽者也世謂之俱利城者彥曰案彥近刻訛作彥昔

秦趙之會各據一城秦王使趙王鼓瑟蘭相如令秦

王擊缶處也馮異又破赤眉于是川矣故光武璽書

曰始雖垂翅回谿終能奮翼鼃池可謂失之東嶠案近

刻作收之桑榆矣穀水又東逕土嶠北所謂三嶠也

案三近穀水又東左會北谿谿水北出鼃池山東南

流注于穀案南近刻訛作西疑卽孔安國所謂澗水也穀水

又東逕新安縣故城南北夾流而西接嶠鼃昔項羽

西入秦坑降卒二十萬于此國滅身亡宜矣穀水又

東逕千秋亭南其亭累石爲垣世謂之千秋城也案近

刻脫千潘岳西征賦曰亭有千秋之號子無七旬之

期謂是亭也又東逕雍谷谿回岫縈紆石路阻峽故

亦有峽石之稱矣穀水歷側案穀近刻訛作晉左與北川水

合水有二源竝導北山東南流合成一水自乾注巽

入于穀穀水又東逕缺門山山阜之不接者里餘故

得是名矣二壁爭高斗聳相亂西瞻雙阜右望如砥

穀水自門而東案門上近刻衍缺字廣陽川水注之水出廣陽

北山東南流注于穀南望微山雲峰相亂穀水又逕

白超壘南案朱謀埠云當作白超考元和志白超壘一名白超塢漢末黃巾賊起白超築此壘

以自固朱氏說非也戴延之西征記云次至白超壘去函谷十

五里築壘當大道左右有山夾立案近刻訛作夾至相去百

餘步從中出北乃故關城非所謂白超壘也是壘在

缺門東十五里壘側舊有塢故治官所在案治官近刻訛作治

宮魏晉之日引穀水為水治案近刻訛作治以經國用遺跡

尚存案近刻訛作有穀水又東石默谿水出微山東麓石默

谿東北流入于穀穀水又東宋水北流注于穀穀水

又東逕魏將作大匠母丘興墓南案興下近刻衍盛字下同二碑

存焉儉父也管輅別傳曰輅嘗隨軍西征過其墓而

歎謂士友曰玄武藏頭青龍無足白虎銜尸朱雀悲

哭四危已備法應滅族果如其言穀水又東逕函谷

關南東北流阜澗水注之水出新安縣東南流逕母

丘興墓東又南逕函谷關西關高險陜案近刻訛作峽路出

塵郭漢元鼎三年樓船將軍楊僕數有大功恥居關

外請以家僮七百人築塞徙關于新安卽此處也昔

郭丹西入關感慨于其下曰不乘駟馬高車終不出

此關也去家十二年果如志焉阜澗水又東流入于

穀穀水又東北逕函谷關城東右合爽水案近刻訛作合桑爽

之山海經曰白石山西五十里曰穀山其上多穀其

下多桑爽水出焉案爽下近刻衍之字世謂之紆麻澗北流注

于穀案此下近刻有山海經曰四字其中多碧綠案近刻脫綠字穀水又東

澗水注之山海經曰婁涿山西四十里曰白石之山

澗水出焉北流注于穀案山海經曰北流注于穀九字原本及近刻又見澗水注

內謂之八特坂下係重出衍文擊仲治三輔決錄注云馬氏兄弟五

人共居澗穀二水之交作五門客因舍以爲名今在

河南西四十里以山海經推校里數不殊仲治所記

水會尚有故居處斯則澗水也卽周書所謂我卜澗

水東言是水也案此七十九字原本及近刻並訛在澗水注內上連山海經曰北流注于

穀九字接八特坂下今改正移于此又澗水東下近刻衍言水二字自下通謂澗水爲

穀水之兼稱焉案謂下近刻衍之字故尚書曰伊洛瀍澗旣入

于河而無穀水之目是名亦通稱矣劉澄之云新安

有澗水源出縣北案近刻訛作北縣又有澗水未知其源余

考諸地記竝無淵水但淵澗字相似時有字錯為淵也故關駟地理志曰禹貢之淵水是以知傳寫書誤字繆舛真澄之不思所致耳既無斯水何源之可求乎穀水又東波水注之山海經曰瞻諸山西三十里婁涿之山無草木多金玉波水出于其陰世謂之百答水案世近刻訛作也北流注于穀案此下近刻有山海經曰四字其中多苾石文石穀水又東少水注之山海經曰廐山西三十里曰瞻諸之山其陽多金其陰多文石少水出于其陰控引眾谿積以成川東流注于穀世謂之慈澗

也穀水又東俞隨之水注之山海經曰平蓬山西十里廐山其陽多瓊瑋之玉俞隨之水出于其陰北流注于穀世謂之孝水也潘岳西征賦曰澡孝水以濯纓嘉美名之在茲是水在河南城西十餘里故呂忱曰孝水在河南而戴延之在函谷關西劉澄之又云出檀山案檀近刻訛作檀下同檀山在宜陽縣西在穀水南無南入之理案上所引不言南入當有脫文考尋茲說當承緣生述征謬誌耳緣生從成行旅征途訊訪既非舊土故無所究今川瀾北注澄映泥濘何得言枯涸也案上所引無枯

涸之語當有脫文 皆為疏僻矣

東北過穀城縣北

城西臨穀水故縣取名焉穀水又東逕穀城南不歷

其北又東案此下近刻衍逕字洛水枝流入焉今無水也

又東過河南縣北東南入于洛

河南王城西北案近刻脫王字穀水之右有石磧磧南出為

死穀北出為湖溝魏太和四年案近刻訛作七年暴水流高

三丈此地下停流以成湖渚造溝以通水東西十里

決湖以注瀍水穀水又逕河南王城西北案近刻脫西字所

謂成周矣公羊曰成周者何東周也何休曰名為成

周者周道始成王所都也地理志曰河南河南縣故

郊鄜地也京相璠曰郊山名鄜地邑也卜年定鼎為

王之東都謂之新邑是為王城其城東南名曰鼎門

蓋九鼎所從入也故謂是地為鼎中楚子伐陸渾之

戎問鼎于此述征記曰穀洛二水本于王城東北合

流所謂穀洛鬪也今城之東南缺千步世又謂之穀

洛鬪處俱為非也余按史傳周靈王之時穀洛二水

鬪毀王宮王將竭之太子晉諫王不聽遺堰三堤尚

存左傳襄公二十五年齊人城邾穆叔如周賀韋昭曰洛水在王城南穀水在王城北東入于瀍至靈王時穀水盛出于王城西而南流合于洛兩水相格有似于鬪而毀王城西南也穎客著春秋條例言西城梁門枯水處世謂之死穀是也始知緣生行中造次入關經究故事與實違矣考王封周桓公于是為西周及其孫惠公封少子于鞏為東周故有東西之名矣秦滅周以為三川郡項羽封申陽為河南王漢以為河南郡王莽又名之曰保忠信卿案近刻光武都

洛陽以為尹尹正也所以董正京畿率先百郡也穀

水又東流逕乾祭門北

案王城北門曰乾祭門

子朝之亂晉所

開也東至千金塢河南十二縣境簿曰河南縣城東十五里有千金塢洛陽記曰千金塢舊堰穀水魏時更脩此堰謂之千金塢積石為塢而開溝渠五所謂之五龍渠渠上立塢塢之東首立一石人石人腹上刻勒云太和五年二月八日庚戌造築此塢更開溝渠此水衡渠上其水助其堅也必經年歷世是故部立石人以記之云爾蓋魏明帝脩王張故績也案明近刻

說作竭是都水使者陳協所造案此下近語林曰陳

協數進阮步兵酒後晉文王欲脩九龍堰阮舉協文

王用之掘地得古承水銅龍六枚堰遂成水歷竭東

注謂之千金渠逮于晉世大水暴注溝瀆泄壞又廣

功焉石人東脇下文云太始七年六月二十三日大

水迸瀑案迸近刻出常流上三丈蕩壞二竭五龍泄

水南注瀉下加歲久漱齧每澇卽壞歷載消棄大功

今故無令過案近刻作今故爲今竭朱謀瑋云宋本

更于西開泄名曰代龍渠地形正平誠得爲泄至理

千金不與水勢激爭無緣當壞由其卑下水得踰上

漱齧故也今增高千金于舊一丈四尺五龍自然必

歷世無患若五龍歲久復壞可轉于西更開二竭二

渠合用二十三萬五千六百九十八功以其年十月

二十三日作功重人少到八年四月二十日畢代

龍渠卽九龍渠也後張方入洛破千金竭永嘉初汝

陰太守李矩汝南太守袁季脩之以利漕運案近刻

十一公私賴之水積年渠竭頽毀石砌殆盡遺基見

存朝廷太和中脩復故竭按千金竭石人西脇下文

云若溝渠久疏深引水者當于河南城北石磧西更

開渠北出使首狐丘

案近刻訛作孤立

故溝東下因故易就

磧堅便時事業已訖然後見之加邊方多事人力苦

少又渠塌新成未患于水是以不敢預脩通之若干

後當復興功者宜就西磧故書之于石以遺後賢矣

雖石磧淪敗故跡可憑準之于文北引渠東合舊瀆

舊瀆又東晉惠帝造石梁于水上

案梁近刻訛作渠

按橋西

門之南頰文稱晉元康二年十一月二十日改治石

巷水門除豎枋更為函枋立作覆枋屋前後辟級續

石障使南北入岸築治激處破石以為殺矣到三年

三月十五日畢訖

案近刻訛作記

并紀列門廣長深淺于左

右巷東西長七尺南北龍尾廣十二丈巷瀆口高三

丈謂之臯門橋

案臯近刻作畢下同

潘岳西征賦曰駐馬臯門

案近刻訛作秣馬畢門

卽此處也穀水又東又結石梁跨水制

城西梁也穀水又東左會金谷水水出太白原東南

流歷金谷謂之金谷水

案近刻訛脫谷字

東南流逕晉衛尉卿

石崇之故居

案此下近刻衍也字

石季倫金谷詩集敘曰余以

元康七年從太僕出為征虜將軍有別廬在河南界

金谷澗中有清泉茂樹眾果竹柏藥草備具

案近刻訛作蔽

駁金谷水又東南流入于穀穀水又東逕金墉城北

魏明帝于洛陽城西北角築之

案近刻脫金谷水至此句洛陽城止共二

十六謂之金墉城

案此下近刻有魏文帝三字係衍文

起層樓于東北

隅晉宮閣名曰金墉有崇天堂即此地上架木為榭

故白樓矣

案白近刻訛作日

皇居創徙宮極未就止蹕于此

構宵榭于故臺所謂臺以停停也南曰乾光門夾建

兩觀觀下列朱桁于塹以為御路東曰含春門北有

遯門

案遯近刻訛作退

城上西面列觀五十步一睥睨屋臺

置一鍾以和漏鼓西北連廡函蔭

案近刻脫函字墉比廣榭

案比近刻訛作北

炎夏之日高視常以避暑

案朱謀璋云高視當作高歡考

道元以孝昌中死高寶黃之亂安得及神武時事魏書高祖紀嘗幸洛陽視乃祖字之訛

為綠水

池一所在金墉者也穀水逕洛陽小城北因阿舊城

憑結金墉故向城也

案城近刻訛作地

永嘉之亂

案近刻脫之字結

以為壘號洛陽壘

案號下近刻有日字

故洛陽記曰陵雲臺西

有金市金市北對洛陽壘者也又東歷大夏門下

案北

城之西頭曰大

故夏門也陸機與弟書云門有三層

高百尺魏明帝造門內東側際城有魏明帝所起景

陽山案明帝近刻訛
作文帝下同餘基尚存孫盛魏春秋曰景初

元年案近刻訛作
黃初元年明帝愈崇宮殿雕飾觀閣取白石

英及紫石英及五色大石于太行穀城之山起景陽

山于芳林園樹松竹草木捕禽獸以充其中于時百

役繁興案時近刻
訛作是帝躬自掘土率羣臣三公已下莫

不展力山之東舊有九江陸機洛陽記曰九江直作

圓水水中作圓壇三破之夾水得相逕通東京賦曰

案近刻脫
東京二字濯龍芳林九谷八谿芙蓉覆水秋蘭被涯

案近刻
訛作崖今也山則塊阜獨立江無復髮髯矣穀水又

東案穀近刻
訛作渠枝分南入華林園歷疏圃南圃中有古

玉井井悉以珉玉為之以緇石為口案緇近刻
訛作鑑工作

精密猶不變古璨焉如新又逕瑤華宮南案近刻
脫逕字歷

景陽山北山有都亭案有近刻
訛作在堂上結方湖湖中起

御坐石也御坐前建蓬萊山曲池接筵飛沼拂席南

面射侯夾席武峙背山堂上則石路崎嶇巖嶂峻險

雲臺風觀纓帶阜遊觀者升降阿閣案阿近刻
訛作耶出

入虹陞望之狀鳧沒鸞舉矣其中引水飛阜案近刻
訛作畢

傾瀾瀑布或枉渚聲漣潺潺不斷竹柏蔭于層石繡

薄叢于泉側微颺暫拂則芳溢于六空寔為神居矣

案寔近刻其水東注天淵池池中有魏文帝九華臺

案近刻訛作八洛中故碑累之今造釣臺于其上池南直魏文帝茅

茨堂案直近刻前有茅茨碑是黃初中所立也其水

自天淵池東出華林園逕聽訟觀南故平望觀也魏

明帝常言獄天下之命也每斷大獄恒幸觀聽之以

太和三年更從今名觀西北接華林隸簿昔劉楨磨

石處也文士傳曰文帝之在東宮也宴諸文學酒酣

命甄后出拜案出拜近刻坐者咸伏惟劉楨平視之

案近刻訛作太祖以為不敬送徒隸簿後太祖乘步

牽車乘城降閱簿作諸徒咸敬而楨拒坐磨石不動

案拒坐未詳近刻作楸太祖曰此非劉楨也石如何

坐朱謀璋云一作匡坐性楨曰石出荆山立巖之下外炳五色之章內秉堅

貞之志雕之不增文磨之不加瑩稟氣真正稟性自

然太祖曰名豈虛哉復為文學池水又東流入洛陽

縣之南池案入近刻池即故翟泉也南北百一十步

東西七十步皇甫謐曰悼王葬景王于翟泉今洛陽

訛作于

水經注 卷十一
太倉中大冢是也春秋定公元年晉魏獻子合諸侯
之大夫于翟泉始盟城周班固服虔皇甫謐咸言翟
泉在洛陽東北周之墓地今按周威烈王葬洛陽城
內東北隅景王家在洛陽太倉中翟泉在兩冢之間
側廣莫門道東建春門路北路卽東宮街也于洛陽
爲東北後秦封呂不韋爲洛陽十萬戶侯大其城并
得景王家矣是其墓地也及晉永嘉元年洛陽東北
步廣里地陷有二鵝出蒼色者飛翔沖天白色者止
焉陳畱孝廉董養曰步廣周之翟泉盟會之地今色

蒼胡象矣其可盡言乎後五年劉曜王彌入洛帝居

平陽陸機洛陽記曰案近刻脫步廣里在洛陽城內

宮東是翟泉所在不得于太倉西南也京相璠與裴

司空彥季脩晉輿地圖作春秋地名亦言今太倉西

南池水名翟泉案池近刻又曰舊說言翟泉本自在

洛陽北萇弘城成周乃繞之案近刻杜預因其一證

謂必是翟泉案近刻而卽實非也後遂爲東宮池晉

中州記曰惠帝爲太子出聞蝦蟆聲問人爲是官蝦

蟆私蝦蟆侍臣賈盾對曰在官地爲官蝦蟆在私地

為私蝦蟇令曰若官蝦蟇可給廩先是有讖云蝦蟇當貴昔晉朝收愍懷太子于後池即是池也其一水

自大夏門東逕宣武觀憑城結構不更增墉案增近刻訛作

層左右夾列步廊參差翼跂南望天淵池北矚宣武

場竹林七賢論曰王戎幼而清秀魏明帝于宣武場

上為欄苞虎牙案近刻訛作阱使力士袒裼迭與之搏縱百

姓觀之戎年七歲亦往觀焉虎乘閒薄欄而吼其聲

震地觀者無不辟易顛仆戎亭然不動帝于門上見

之使問姓名而異之場西故賈充宅地穀水又東逕

廣莫門北案北城之東頭曰廣莫門漢之穀門也北對芒阜案芒阜古

字通連嶺脩巨案近刻訛作垣苞總眾山始自洛口西踰平

陰悉芒壠也案壠近刻訛作龍魏志曰明帝欲平北芒令登

臺見孟津侍中辛毗諫曰若九河溢涌洪水為害丘

陵皆夷何以禦之帝乃止穀水又東屈南案近刻訛作東出屋

南宋本南逕建春門石橋下案東城之北頭曰建春門即上東門

也阮嗣宗詠懷詩曰步出上東門者也是一日上升門

晉曰建陽門百官志曰洛陽十二門案二近刻訛作一每門

候一人案近刻脫每門二字六百石東觀漢記曰鄧暉為上東

門候光武嘗出夜還詔開門欲入憚不內上令從門
閒識面憚曰火明遼遠遂拒不開由是上益重之亦
袁本初挂節處也橋首建兩石柱橋之右柱銘云陽
嘉四年乙酉壬申詔書以城下漕渠東通河濟南引
江淮方貢委輸所由而至使中謁者魏郡清淵馬憲
監作石橋梁柱敦敕工匠盡要妙之巧攢立重石累
高周距橋工路博流通萬里云云河南尹邳崇隗丞
渤海重合雙福水曹掾中牟任防史王蔭史趙興將
作吏睢陽申翔道橋掾成臯卑國洛陽令江雙丞平

陽降監掾王騰之主石作右北平山仲三月起作八

月畢成其水依柱又自樂里道屈而東出陽渠案又近刻

訛作昔陸機為成都王穎入洛敗北而返案北近刻

水南即馬市案此下近刻舊洛陽有三市斯其一也亦

嵇叔夜為司馬昭所害處也案近刻北則白社故里

案此下近刻昔孫子荆會董威輦于白社謂此矣以同

載為榮故有威輦圖又東逕馬市石橋橋南有二石

柱竝無文刻也漢司空漁陽王梁之為河南也將引

穀水以溉京都渠成而水不流故以坐免後張純堰

洛以通漕

案以近刻訛作而

洛中公私穰贍

案近刻訛作懷贍

是渠

今引穀水蓋純之創也按陸機洛陽記劉澄之永初

記言城之西面有陽渠周公制之也昔周遷殷民于

洛邑城隍偏狹卑陋之所耳晉故城成周以居敬王

秦又廣之以封不韋以是推之非專周公可知矣亦

謂之九曲瀆河南十二縣境簿云

案河上近刻衍九故字復脫境字

曲瀆在河南鞏縣西西至洛陽又按傅暢晉書云都

水使者陳狼鑿運渠從洛口入注九曲至東陽門是

以阮嗣宗詠懷詩所謂朝出上東門遙望首陽岑又

言遙遙九曲閒裴徊欲何之者也陽渠水南暨閭闔

門

案西城之北頭曰閭闔門漢之上西門者也漢宮記曰上西門

所以不純白者漢家厄于戌故以丹鏤之太和遷都

徙門南側其水北乘高渠枝分上下歷故石橋東入

城逕望先寺中有碑碑側法子丹碑作龍矩勢

案書中曰

雲矩曰螭矩曰龍矩凡屢見朱謀埠云當作龍距非也

于今作則佳方古猶劣

渠水又東歷故金市南直千秋門右

案宮城西門曰千秋門宮

門也又枝流入石逗伏流注靈芝九龍池魏太和中

皇都遷洛陽經構宮極脩理街渠務窮隱發石視之

會無毀壞又石工細密非今知所擬亦奇為精至也

遂因用之其一水自千秋門南流逕神虎門下東對

雲龍門二門衡楸之上皆刻雲龍風虎之狀以火齊

薄之及其晨光初起夕景斜輝霜文翠照陸離眩目

又南逕通門掖門西又南流東轉逕闔闔門南

案此乃宮城正南門下云改雉門為闔闔門是也與前後所言闔闔門同名異地案禮王有五門

謂臯門庫門雉門應門路門路門一曰畢門亦曰虎

門也魏明帝上法太極于洛陽南宮起太極殿于漢

崇德殿之故處改雉門為闔闔門昔在漢世洛陽宮

殿門題多是大篆言是蔡邕諸子自董卓焚宮殿魏

太祖平荊州漢吏部尚書安定梁孟皇善師宜官八

分體求以贖死太祖善其法常仰繫帳中愛翫之以

為勝宜官北宮榜題咸是鵠筆南宮既建明帝令侍

中京兆韋誕以古篆書之皇都遷洛始令中書舍人

沈含馨以隸書書之景明正始之年又敕符節令江

式以大篆易之今諸桁榜題皆是式書周官太宰以

正月懸治法于象魏廣雅曰闕謂之象魏風俗通曰

魯昭公設兩觀于門是謂之闕從門歛聲爾雅曰觀

謂之闕說文曰闕門觀也漢官典職曰偃師去洛四十五里望朱雀闕其上鬱然與天連是明峻極矣洛陽故宮名有朱雀闕白虎闕蒼龍闕北闕南宮闕也東觀漢記曰更始發洛陽李松奉引車馬奔觸北闕鐵柱門三馬皆死即斯闕也白虎通曰門必有闕者何闕者所以飾門別尊卑也今闔闔門外夾建巨闕以應天宿雖不如禮猶象而魏之案而字近刻訛在下句上字之下上加復思以易觀矣廣雅曰復思謂之屏釋名曰屏自障屏也孛思在門外孛復也臣將入請事于此案近

刻請訛作言復重思之也漢末兵起壞園陵孛思曰無使

民復思漢也故鹽鐵論曰垣闕孛思言樹屏隅角所架也穎容又曰闕者上有所失下得書之于闕所以求論譽于人故謂之闕矣今闕前水南道右置登聞鼓以納諫昔黃帝立明堂之議堯有衢室之問舜有告善之旌禹有立鼓之訊湯有總街之誹武王有靈臺之復皆所以廣設過誤之備也渠水又枝分夾路南出逕太尉司徒兩坊間案出字近刻訛在逕字下謂之銅駝街舊魏明帝置銅駝諸獸于闔闔南街陸機云駝高九

尺脊出太尉坊者也

案脊近刻
訛作卽

水西有永寧寺熙平

中始創也作九層浮圖浮圖下基方十四丈自金露

槃下至地四十九丈取法代都七級而又高廣之雖

二京之盛五都之富利刹靈圖未有若斯之構按釋

法顯行傳西國有爵離浮圖其高與此相狀東都西

域俱為莊妙矣其地是曹爽故宅經始之日于寺院

西南隅得爽窟室下入土可丈許

案土近
刻作地

地壁悉纍

方石砌之石作細密都無所毀其石悉入法用自非

曹爽庸匠亦難復制此桓氏有言曹子丹生此豚犢

信矣渠左是魏晉故廟地今悉民居無復遺墉也渠

水又西歷廟社之間南注南渠廟社各以物色辨方

周禮廟及路寢皆如明堂而有燕寢焉惟祧廟則無

案則近刻
訛作別

後代通為一廟列正室于下無復燕寢之

制禮天子建國左廟右社以石為主祭則希冕今多

王公攝事王者不親拜焉咸寧元年

案寧近刻
訛作陵

洛陽

大風帝社樹折青氣屬天元王東渡魏社代昌矣渠

水自銅駝街東逕司馬門南魏明帝始築闕崩壓殺

數百人遂不復築故無闕門南屏中舊有置銅翁仲

處金狄既淪故處亦禡惟壞石存焉自此南直宣陽

門經緯通達案經近刻皆列馳道往來之禁一同兩

漢曹子建嘗行御街犯門禁以此見薄渠水又東逕

杜元凱所謂翟泉北今無水坎方九丈六尺深二丈

餘似是人工而不類于泉陂是驗非之一證也又皇

甫謚帝王世紀云王室定遂徙居成周小不受王都

故壞翟泉而廣之泉源既塞明無故處是驗非之二

證也杜預言翟泉在太倉西南既言西南于洛陽不

得為東北是驗非之三證也稽之地說事幾明矣不

得為翟泉也渠水歷司空府前逕太倉南出東陽門

石橋下案出東近刻注陽渠穀水自閭闔門而南逕

土山東案此閭闔門乃上西門也近水西二里有坂

坂上有土山漢大將軍梁冀所成築土為山植木成

苑案木近刻張璠漢記曰山多峭坂以象二嶠積金

玉採捕禽獸以充其中有人殺苑兔者迭相尋逐死

者十三人南出逕西陽門案正西曰舊漢氏之西明

門也亦曰雍門也舊門在南太和中以故門邪出案

近刻訛故徙是門東對東陽門穀水又南逕白馬寺

東晉漢明帝

案昔近刻訛作是

夢見大人金色項佩白光以

問羣臣或對曰西方有神名曰佛形如陛下所夢得

無是乎于是發使天竺寫致經像始以榆櫟盛經白

馬負圖表之中夏故以白馬為寺名此榆櫟後移在

城內愍懷太子浮圖中近世復遷此寺然金光流照

法輪東轉創自此矣穀水又南逕平樂觀東李尤平

樂觀賦曰乃設平樂之顯觀章祕偉之奇珍華嶠後

漢書曰靈帝于平樂觀下起大壇上建十二重五采

華蓋高十丈壇東北為小壇復建九重華蓋高九丈

列奇兵騎士數萬人天子住大蓋下禮畢天子躬擐

甲稱無上將軍行陣三市而還設祕戲以示遠人故

東京賦曰其西則有平樂都場示遠之觀龍雀蟠蜿

天馬半漢應劭曰飛廉神禽能致風氣古人以良金

鑄其象

案近刻作形

明帝永平五年長安迎取飛廉并銅

馬置上西門外平樂觀今于上西門外無他基觀惟

西明門外獨有此臺巍然廣秀疑即平樂觀也又言

皇女稚殤埋于臺側故復名之曰皇女臺晉灼曰飛

廉鹿身頭如雀有角而蛇尾豹文董卓銷為金用銅

馬徙于建始殿東階下胡軍喪亂此象遂淪穀水又

南逕西明門案西城南頭曰西明門近刻訛作西門門故廣陽門也門左

枝渠東派入城逕太社前又東逕太廟南又東于青

陽門右下注陽渠穀水又南東屈逕津陽門南案南城西

頭曰津故津門也案近刻津下衍陽字昔洛水泛洸漂害者衆

案近刻漂下衍落字津陽城門校尉案近刻脫尉字將築以遏水諫議

大夫陳宣止之曰王尊臣也案近刻宣訛作宜尊訛作遵水絕其

足朝廷中興必不入矣水乃造門而退穀水又東逕

宣陽門南案南城西頭次門曰宣陽門故苑門也皇都遷洛移置

于此對閶闔門南直洛水浮桁故東京賦曰沂洛背

河左伊右瀍者也夫洛陽考之中土下惟洛食寔為

神也案此語有舛誤門左即洛陽池處也池東舊平城門所

在矣今塞北對洛陽南宮案洛近刻訛作南故蔡邕曰平城

門正陽之門與宮連屬郊祀法駕所由從出門之最

尊者洛陽諸宮名曰南宮有謬臺臨照臺東京賦曰

其南則有謬門曲榭邪阻城洫案邪近刻訛作依注云謬門

冰室門也阻依也洫城下池也皆屈曲邪行依城池

為道故說文曰隍城池也有水曰池無水曰隍矣謬

門即宣陽門也門內有宣陽冰室周禮有冰人日在

北陸而藏之西陸朝覲而出之冰室舊在宣陽門內

故得是名門既擁塞冰室又罷穀水又逕靈臺北望

雲物也漢光武所築高六丈方二十步世祖嘗宴于

此臺得鼯鼠于臺上亦諫議大夫第五子陵之所居

倫少子也以清正案朱謀璋云此下疑脫為郡功曹四字洛陽無主人

鄉里無田宅寄止靈臺或十日不炊司隸校尉南陽

左雄尚書廬江朱孟興等皆倫故孝廉功曹案近刻脫皆倫

二各致禮餉竝辭不受永建中卒穀水又東逕平昌

門南案正南門日平昌門故平門也又逕明堂北漢光武中元

元年立尋其基構上圓下方九室重隅十二堂蔡邕

月令章句同之故引水于其下為辟離也穀水又東

逕開陽門南案南城東頭日開陽門晉宮閣名曰故建陽門也

漢官曰案漢官下朱謀璋云宋本有儀字開陽門始成未有名宿昔

有一柱來在樓上琅琊開陽縣上言縣南城門案近刻脫

縣一柱飛去光武皇帝使來識視良是遂堅縛之案近刻脫

近刻訛因刻記年月日以名焉何湯字仲弓案此五字近刻

訛作湯仲嘗為門候上微行夜還湯閉門不內朝廷

弓三字

嘉之又東逕國子太學石經北周禮有國學教成均之法學記曰古者家有塾黨有庠遂有序國有學亦有虞氏之上庠下庠夏后氏之東序西序殷人之左學右學案近刻脫此二字周人之東膠虞庠王制云養國老于上庠養庶老于下庠故有太學小學教國之子弟焉謂之國子漢魏以來置太學于國子堂東漢靈帝光和六年刻石鏤碑載五經立于太學講堂前悉在東側蔡邕以熹平四年案熹平刻訛作嘉與五官中郎將堂谿典光祿大夫楊賜諫議大夫馬日磾議郎張馴韓

說太史令單颺等案近刻脫楊賜諫議大夫馬日磾八字又碑訛作彈馴訛作訓奏求正定六經文字靈帝許之邕乃自書丹于碑使工鐫刻立于太學門外于是後儒晚學咸取正焉及碑始立其觀視及筆寫者車乘日千餘輛填塞街陌矣今碑上悉銘刻蔡邕等名魏正始中又立古篆隸三字石經古文出于黃帝之世倉頡本鳥跡為字取其孳乳相生故文字有六義焉自秦用篆書焚燒先典古文絕矣魯恭王得孔子宅書不知有古文謂之科斗書蓋因科斗之名遂效其形耳言大篆出于周宣

之時史籀創者平王東遷文字乖錯秦之李斯及胡
母敬又改籀書謂之小篆故有大篆小篆焉然許氏
字說專釋于篆而不本古文言古隸之書起于秦代
而篆字文繁無會劇務案近刻訛作燕會劇者故用隸人之省
謂之隸書或云卽程邈于雲陽增損者是言隸者篆
捷也孫暢之嘗見青州刺史傅弘仁說臨淄人發古
冢得桐棺前和外隱爲隸字言齊太公六世孫胡公
之棺也惟三字是古餘同今書證知隸自出古非始
于秦魏初傳古文出邯鄲淳石經古文轉失淳法樹

之于堂西石長八尺廣四尺列石于其下碑石四十

八枚案十近刻訛作千廣三十丈魏明帝案近刻訛作文帝又刊典

論六碑附于其次陸機言太學贊別一碑在講堂西

下列石龜碑載蔡邕韓說堂谿典等名案近刻訛作高堂谿等名

太學弟子贊復一碑在外門中今二碑竝無石經東

有一碑是漢順帝陽嘉元年立案元近刻訛作八碑文云建

武二十七年造太學年積毀壞永建六年九月詔書

脩太學刻石記年用作工徒十一萬二千人案近刻作字在

工字陽嘉元年八月作畢案元近刻訛作九碑南面刻頌表

裏鏤字猶存不破漢石經北有晉辟雖行禮碑是太始二年立其碑中折但世代不同物不停故石經淪缺存半毀幾駕言永久諒用憮焉考古有三雖之文今靈臺太學竝無辟雖處晉永嘉中王彌劉曜入洛焚毀一學尚髣髴前基矣穀水于城東南隅枝分北注逕青陽門東案東城南頭曰青陽門故清明門也亦曰稅門亦曰芒門又北逕東陽門東案正東門曰東陽門故中東門也又北逕故太倉西洛陽地記曰大城東有太倉倉下運船常有千計卽是處也又北入洛陽溝穀水又東

左池爲池又東右出爲方湖東西百九十步南北七十步故水衡署之所在也穀水又東南轉屈而東注謂之阮曲云阮嗣宗之故居也穀水又東注鴻池陂百官志曰鴻池池名也在洛陽東二十里丞一人二百石池東西千步南北千一百步四周有塘池中又有東西橫塘水溜徑通案徑近刻訛作逕故李尤鴻池陂銘曰鴻澤之陂聖王所規開源東注案源近刻訛作水朱謀埠云舊本作又出自城池也其水又東左合七里澗晉後畧曰成都王穎使吳人陸機爲前鋒都督伐京師輕進爲洛

軍所乘案近刻訛作爲治軍所處大敗于鹿苑人相登躡死于塹

中及七里澗澗爲之滿卽是澗也澗有石梁卽旅人

橋也昔孫登不欲久居洛陽知楊氏榮不保終思欲

遯跡林鄉隱淪妄死案妄近刻訛作忘楊駿埋之于此橋之

東駿後尋亡矣搜神記曰太康末京洛始爲折楊之

歌有兵革辛苦之辭駿後被誅太后幽死折楊之應

也案楊下近刻訛爲字凡是數橋皆纍石爲之亦高壯矣制作

甚佳雖以時往損功而不廢行旅朱超石與兄書云

橋去洛陽宮六七里悉用大石下圓以通水可受大

舫過也案此下近刻有奇制作三字係衍文題其上云太康三年十一

月初就功日用七萬五千人至四月末止此橋經破

落復更脩補今無復文字陽渠水又東流逕漢廣野

君酈食其廟南案穀水自閭闔門而南以下並陽渠水原本及近刻獨此處及下逕亭殷

忽兩稱陽渠後復稱穀水考其地相比此次非有錯紊而稱名參差或後人臆改使然今姑仍之廟在

北山上成公綏所謂偃師西山也山上舊基尚存廟

宇東向案近刻作東面門有兩石人對倚北石人胷前銘云

門亭長石人西有二石闕雖經頽毀猶高丈餘闕西

卽廟故基也基前有碑文字剝缺不可復識子安仰

澄芬于萬古讚清徽于廟像文字厥集矣陽渠水又東逕亳殷南昔盤庚所遷改商曰殷此始也班固曰尸鄉故殷湯所都者也故亦曰湯亭薛瓚漢書注皇甫謐帝王世紀竝以為非以為帝嚳都矣晉太康記地道記案近刻訛作晉竝言田橫死于是亭故改曰尸鄉非也余按司馬彪郡國志以為春秋之尸氏也其澤野負原夾郭多墳壠焉即陸士衡會王輔嗣處也袁氏王陸詩敘機初入洛次河南之偃師時忽結陰望道左若民居者因往返宿見一少年姿神端遠

與機言玄機服其能而無以酬折前致一辯

案近刻訛作前

至一辯文機題緯古今綜檢名實此少年不甚欣解將曉

去稅駕逆旅姬曰君何宿而來自東數十里無村落

止有山陽王家墓

案止近刻訛作上

機乃怪悵還睇昨路空

野靈雲攢木蔽日知所遇者審王弼也此山即祝雞

翁之故居也搜神記曰祝雞翁者

案近刻脫祝字

洛陽人也

居尸鄉北山下養雞百年餘雞至千餘頭皆有名字欲取呼之名則種別而至後之吳山莫知所去矣穀水又東逕偃師城南皇甫謐曰帝嚳作都于亳偃師

是也王莽之所謂師氏者也穀水又東流注于洛水矣

甘水出弘農宜陽縣鹿蹏山

山在河南陸渾縣故城西北俗謂之縱山水之所導

發于山曲之中故世人目其所為甘掌焉案掌近刻訛作棠

東北至河南縣南北入洛

甘水發源東北流北屈逕一故城東在非山上世謂

之石城也京相璠曰或云甘水西山上夷汙而平案夷

汙近刻訛作夢汁有故甘城在河南城西二十五里指謂是

城也余按甘水東十許里洛城南有故甘城焉北對

河南故城世謂之鑿洛城鑿甘聲相近即故甘城也

為王子帶之故邑矣是以昭叔有甘公之稱焉甘水

又與非山水會水出非山東谷東流入于甘水甘水

又于河南城西北入洛經言縣南非也案此下近刻衍故字

相璠曰今河南縣西南案近刻重河南二字脫西南二字有甘水北

入洛斯得之矣

漆水出扶風杜陽縣俞山東北入于渭

山海經曰踰次之山漆水出焉北流注于渭蓋自北

而南矣尚書禹貢太史公禹本紀云導渭水東北至

涇又東過漆沮入于河案近刻過訛作逕河訛作洛孔安國曰漆

沮一水名矣案今書傳作二水名亦曰洛水也出馮翊北周太

王去邠度漆踰梁山案近刻訛作上止岐下故詩云民之初

生自土沮漆案近刻訛作漆沮又曰率西水澣至于岐下是

符禹貢本紀之說許慎說文稱漆水出右扶風杜陽

縣岐山東入渭從水秦聲又云一曰漆城池也潘岳

關中記曰關中有涇渭灞澹酆鄠漆沮之水酆鄠漆

沮四水在長安西南酆縣漆沮皆南注案近刻脫漆沮南三字

酆鄠水北注案此下近刻有渭字開山圖曰麗山西北有温池

案近刻訛作地朱謀埠云吳本改作池考永樂大典內已作温池非吳氏改本温池西南八

十里岐山案近刻訛作川在杜陽北案近刻訛作在杜陵埠長安西有

渠謂之漆渠班固地理志云漆水在漆縣西案在近刻訛作

出闕駟十三州志又云漆水出漆縣西北至岐山案近刻脫

至字東入渭今有水出杜陽縣岐山北漆谿謂之漆

渠西南流注岐水但川土奇異今說互出考之經史

各有所據識淺見浮無以辨之矣

澹水出京兆藍田谷北入于灃

地理志曰澧水出南陵縣之藍田谷西北流與一水

合水出西南莽谷東北流注澧水澧水又北歷藍田

川北流注于灞水地理志曰澧水北至霸陵入霸水

沮水出北地直路縣東過馮翊襍縣北東入于洛

地理志曰沮出直路縣西東入洛案近刻訛作出今

水自直路縣東南逕譙石山案譙近刻作焦東南流歷檀臺

川俗謂之檀臺水屈而夾山西流又西南逕宜君川

世又謂之宜君水又得黃欽水口水西北出雲陽縣

石門山黃欽谷東南流注宜君水又東南流逕襍

縣故城西縣以漢景帝二年置案朱謀埠云宋本以

文義考之其水南合銅官水水出縣東北案近刻脫

乃衍文西南逕銅官川謂之銅官水又西南流逕襍

句之下襍縣東西南流逕其城南原下而西南注宜君水宜

君水又南出土門山西又謂之沮水又東南歷土門

南原下東逕懷德城南城在北原上又東逕漢太上

皇陵北陵在南原上沮水東注鄭渠昔韓欲令秦無

東伐使水工鄭國開秦鑿涇引水謂之鄭渠渠首上

承涇水于中山西邸瓠口案近刻脫邸字所謂瓠中也爾雅

以為周焦穫矣為渠並北山案近刻脫為字東注洛三百餘

里欲以溉田中作而覺秦欲殺鄭國案近刻脫而字秦字鄭國

曰案近刻脫鄭國二字始臣為閒然渠亦秦之利案近刻渠卒下有成字

使就渠渠成而用注填闕之水溉澤鹵之地四萬餘

頃案近刻脫之地二字皆晦一鍾關中沃野無復凶年秦以富

彊卒并諸侯命曰鄭渠渠瀆東逕宜秋城北又東逕

中山南河渠書曰鑿涇水自中山西案近刻而封禪書

漢武帝獲寶鼎于汾陰將薦之甘泉鼎至中山氤氳

有黃雲蓋焉徐廣史記音義曰關中有中山非冀州

者也指證此山俗謂之仲山非也鄭渠又東逕捨車

宮南絕冶谷水案治近刻訛作治鄭渠故瀆又東逕截薛山

南池陽縣故城北又東絕清水又東逕北原下濁水

注焉自濁水以上今無水案近刻脫今字水字濁水上承雲陽

縣東大黑泉東南流請之濁谷水又東南出原注鄭

渠又東歷原逕曲梁城北又東逕太上陵南原下北

屈逕原東與沮水合分為二水一水東南出即濁水

也至白渠與澤泉合俗謂之漆水又謂之為漆沮水

絕白渠東逕萬年縣故城北為櫟陽渠城即櫟陽宮

也漢高帝葬皇考于是縣起墳陵署邑號改曰萬年也地理志曰馮翊萬年縣高帝置王莽曰異赤也故徐廣史記音義曰櫟陽今萬年矣關駟曰縣西有涇渭北有小河謂此水也案謂近刻訛作渭其水又南屈更名石川水又西南逕郭藪城西與白渠枝渠合又南入于渭水也其一水東出即沮水也東與澤泉合水出沮東澤中與沮水隔原相去十五里俗謂是水為漆水也東流逕薄昭墓南冢在北原上又逕懷德城北東南注鄭渠合沮水又自沮直絕注濁水至白渠合

焉故濁水得漆沮之名也沮循鄭渠東逕當道城南城在頻陽縣故城南頻陽宮也秦厲公置城北有頻山山有漢武帝殿以石架之縣在山南故曰頻陽也應劭曰縣在頻水之陽今縣之左右無水以應之所可當者惟鄭渠與沮水又東逕蓮芍縣故城北十三州志曰縣以草受名也沮水又東逕漢光武故城北又東逕粟邑縣故城北王莽更名粟城也後漢封騎都尉耿夔為侯國其水又東北流注于洛水也案近刻作矣

水經注卷十六

水經注卷十七

後魏酈道元撰

渭水

渭水出隴西首陽縣渭谷亭南鳥鼠山

渭水出首陽縣首陽山渭首亭南谷山在鳥鼠山西

北此縣有高城嶺嶺上有城號渭源城渭水出焉三

源合注東北流逕首陽縣西與別源合水南出鳥鼠

山渭水谷案南出近刻訛作出南又谷上衍出字尚書禹貢所謂渭出

鳥鼠者也地說曰案地近刻訛作他鳥鼠山同穴之枝榦也

渭水出其中東北過同穴枝間既言其過明非一山

也案山近刻又東北流而會于殊源也渭水東南流

逕首陽縣南右得封谿水案谿近刻次南得廣相谿

水次東得共谷水左則天馬谿水次南則伯陽谷水

竝參差翼注亂流東南出矣

東北過襄武縣北案東北原本及近刻竝作又北考注云渭水常若東南不東北也可證又

乃東之訛

廣陽水出西山二源合注共成一川案近刻東北流

注于渭渭水又東南逕襄武縣東北荆頭川水入焉

水出襄武西南鳥鼠山荆谷東北逕襄武縣故城北

王莽更名相桓漢護羌校尉温序行部為隗囂部將

苟宇所拘案苟近刻銜鬚自刎處也其水東北流注

于渭渭水常若東南不東北也又東泉注之水出

西南雀富谷東北逕襄武縣南東北流入于渭魏志

稱咸熙二年襄武上言大人見身長三丈餘跡長三

尺二寸案近刻白髮著黃單衣巾拄杖呼民王始

語云今當太平十二月天祿永終歷數在晉遂遷魏

而事晉

又東過獮道縣南

右則岑谿水次則同水俱左注之

案近刻脫注之二字

次則過

水右注之

案近刻脫次字

渭水又東南逕獮道縣故城西

案近

刻脫又

昔秦孝公西斬戎之獮王

案此下近刻應劭有于此二字

曰獮戎邑也漢靈帝中平五年

案近刻脫中平二字

別為南安

郡赤亭水出郡之東山赤谷

案近刻脫郡之二字

西流逕城北

南入渭水渭水又逕城南得粟水水出西南安都谷

東北流注于渭渭水又東新興川水出西南烏鼠山

二源合舍東北流與彭川合水出西南谿下東北至

彭縣南本屬故道候尉治後漢縣之永元元年和帝

封耿秉為侯國也

案近刻脫和字

萬年川水出南山東北流

注之又東北注新興川又東北逕新興縣北晉書地

道記南安之屬縣也其水又東北與南川水合水出

西南山下東北合北水又東北注于渭水渭水又東

逕武城縣西武城川水入焉津源所導出鹿部西山

兩源合注東北流逕鹿部南亦謂之鹿部水又東北

昌丘水出西南丘下東北注武城水亂流東北注渭

水渭水又東入武陽川又有關城川水出南安城谷

水出北兩川參差注渭水

案兩近刻訛作丘

渭水又東有落

門西山東流三谷水注之

案有近刻訛作與又谷上衍府字

三川統

一東北流注于渭水有落門聚昔馮異攻落門未拔

而薨建武十年來歙又攻之擒隗囂子純隴右平渭

水自落門東至黑水峽左右六水夾注左則武陽谿

水次東得土門谷水

案次東近刻訛作東門

俱出北山南流入

渭右則温谷水

案近刻則下行有字又脫水字

次東有故城谿水次

東有閭里谿水亦名習谿水次東有黑水竝出南山

北流入渭渭水又東出黑水峽

案原本及近刻竝脫峽字今據下文補

歷冀川

又東過冀縣北

渭水自黑水峽至岑峽南北十一水注之

案十一近刻訛作一

十北則温谷水

案此下近刻有注之其水四字

導平襄縣南山温谿

東北流逕平襄縣故城南

案近刻脫故字城南訛作南城

故襄戎邑

也王莽之所謂平相矣

案近刻訛作謂平襄縣矣

其水東南流

歷三堆南又東流南屈歷黃槐川

案流下近刻衍梗而字歷訛作入

津渠冬則輟流春夏水盛則通川注渭次則牛谷水

案近刻作午谷水

南入渭水南有長塹谷水次東有安蒲谿

水次東有衣谷水竝南出朱圉山山在梧中聚有石鼓不擊自鳴鳴則兵起漢成帝鴻嘉三年天水冀南山有大石自鳴聲隱隱如雷有頃止聞于平襄二百四十里野雞皆鳴案皆近刻訛作自石長丈三尺廣厚略等著崖脅案著近刻作在去地百餘丈民俗名曰石鼓石鼓鳴則有兵是歲廣漢鉗子攻死囚盜庫兵略吏民衣繡衣自號為仙君黨與漫廣明年冬伏誅自歸者三千餘人信而有徵矣案近刻脫矣字其水北逕冀縣城北秦武公十年伐冀戎縣之故天水郡治王莽更名鎮戎縣

曰冀治漢明帝永平十七年改曰漢陽郡城即隗囂

稱西伯所居也後漢馬超之圍冀也案近刻脫漢字涼州別

駕閭伯儉潛出水中將告急夏侯淵為超所擒令告

城無救伯儉曰大軍方至咸稱萬歲超怒數之伯儉

曰卿欲令長者出不義之言乎案義近刻訛作利遂殺之渭

水又東合冀水水出冀谷次東有濁谷水案近刻脫有字次

東有當理谿水次東有託里水次東有渠谷水次東

有黃土川水案近刻脫有字俱出南山北逕冀城東而北流

注于渭案近刻脫注字渭水又東出岑峽入新陽川逕新陽

下城南谿谷赤蒿二水竝出南山東北入渭水渭水

又東與新陽崖水合即隴水也東北出隴山其水西

流石逕瓦亭南案流下近隗囂聞略陽陷使牛邯守刻衍隴字

瓦亭即此亭也一水亦出隴山案一近刻訛作其東南流歷

瓦亭北又西南合為一水謂之瓦亭川西南流逕清

賓谿北又西南與黑水合水出黑城北西南逕黑城

西西南流莫吾南川水注之水東北出隴垂西南流

歷黑城南注黑水黑水西南出懸鏡峽又西南入瓦

亭水案近刻作川又有澍水自西來會案來近刻訛作東世謂之

鹿角口又南逕阿陽縣故城東中平元年北地羌胡

與邊章侵隴右漢陽長史蓋勲案史近刻訛作吏屯阿陽以

拒賊即此城也其水又南與燕無水合水源延發東

山西注瓦亭水又南左會方城川西注瓦亭

水瓦亭水又南逕成紀縣東歷長離川謂之長離水

右與成紀水合水導源案此三字近刻作源導二字西北當亭川

東流出破石峽津流遂斷故瀆東逕成紀縣故帝太

皞庖犧所生之處也漢以為天水郡縣案近刻脫郡字王莽

之阿陽郡治也又東潛源隱發通入成紀水案入近刻訛作

之東南入瓦亭水案近刻瓦亭水又東南案瓦亭水近刻作川

水與受渠水相會水東出大隴山西逕受渠亭北又

西南入瓦亭水案近刻瓦亭水又西南流案瓦亭水近刻作川

水歷僵人峽路側巖上有死人僵尸巒穴故岫壑取

名焉釋鞏就穴直上可百餘仞石路透迤劣通單步

僵尸倚窟枯骨尚全惟無膚髮而已訪其川居之士

云其鄉中父老作童兒時案近刻訛已聞其長舊傳

此當是數百年骸矣其水又西南與略陽川水合水

出隴山香谷西西流右則單谿西注左則閣川水入

焉案閣近刻訛其水又西歷蒲池郊石魯水出東南

石魯谿西北注之其水又西歷略陽川西得破社谷

水次西得平相谷水又西得金里谷水又西得南室

水又西得蹠谷水竝出南山北流于略陽城東揚波

北注川水又西逕略陽道故城北塋渠水出南山案

近刻訛北逕塋峽北入城建武八年中郎將來歛與

祭遵所部護軍王忠右輔將軍朱寵將二千人皆持

鹵刀斧自安民縣之楊城元始二年平帝罷安定滹

沱苑以為安民縣起官寺市里案元始二年至此乃

注內之小注近刻元

始訛作永始平帝訛作成帝滹沱作呼他從番須回中伐樹木開山道至

略陽案從番須回中本直接上自安民縣之楊城夜

襲擊囂拒守將金梁等案近刻訛作拒守將軍金梁城等皆殺之因

保其城隗囂聞略陽陷悉眾以攻歙激水灌城光武

親將救之案近刻脫此二字囂走西城世祖與來歙會于此

其水自城北注川一水二川蓋囂所竭以灌略陽也

川水西得白楊泉又西得蒲谷水又西得蒲谷西川

又西得龍尾谿水與蒲谷水合案蒲近刻訛作渭俱出南山

飛清北入川水川水又西南得水洛口水源東導隴

山西逕水洛亭西南流又得犢奴水口水出隴山西

逕犢奴川又西逕水洛亭南西北注之亂流西南逕

石門峽謂之石門水西南注略陽川略陽川水又西

北流入瓦亭水瓦亭水又西南出顯親峽石宕水注

之案宕近刻訛作巖水出北山山上有女媧祠庖羲之後有

帝女媧焉與神農為三皇矣其水南流注瓦亭水瓦

亭水又西南逕顯親縣故城東南漢封大鴻臚竇固

為侯國自石宕次得蝦蟆谿水次得金黑水案近刻脫次字

又得宜都谿水咸出左右參差相入瓦亭水又東南

合安夷川口水源東出胡谷

案出下近刻衍更字

西北流歷夷

水川與東陽川水會謂之取陽交又西得何宕川水

又西得羅漢水竝自東北西南注夷水夷水又西逕

顯親縣南西注瓦亭水又東南得大華谷水

又東南得折里谿水又東得六谷水

案谷近刻訛作合

皆出

近谿湍峽注瓦亭水又東南出新陽峽崖岫壁立水

出其間謂之新陽崖水又東南注于渭也

案近刻訛作流于渭

是也

又東過上邽縣

渭水東歷縣北邽山之陰流逕固嶺東北

案近刻脫流字東字

東南流蘭渠川水出自北山帶佩眾谿南流注于渭

渭水東南與神澗水合開山圖所謂靈泉池也俗名

之為萬石灣淵深不測寔為靈異先後漫遊者多罹

其斃渭水又東南得歷泉水水北出歷泉谿

案近刻脫一水

字及出字東南流注于渭渭水又東南出橋亭西

案近刻訛作出

橋西亭西又南得藉水口水出西山百澗聲流總成一川

東歷當亭川即當亭縣治也左則當亭水右則曾席

水注之

案注之二字近刻訛在上當亭水下

又東與大弁川水合

案川近刻

水出西山二源合注東歷大并川東南流

注于藉水藉水又東南流與竹嶺水合水出南山竹

嶺二源同瀉東北入藉水藉水又東北逕上邽縣

左佩四水案近刻訛作五水東會占谿水次東

有大魯谷水案谷近刻訛作谿次東得小魯谷水次東有楊

反谷水咸自北山流注藉水案近刻脫流字藉水右帶四水

竹嶺東得亂石谿水次東得木門谷水

次東得羅城谿水次東得山谷水皆導源

南山北流入藉水藉水又東黃瓜水注之其水發源

黃瓜西谷東流逕黃瓜縣北又東清谿白水左右夾

注又東北大旱谷水南出旱谿歷澗北流泉谿委漾

同注黃瓜水黃瓜水又東北歷赤谷咸歸于藉藉水

又東得毛泉谷水案得近刻作合又東逕上邽城南案此下近刻衍

又得覈泉水竝出南山北流注于藉藉水即洋水也

北有濛水注焉水出縣西北邽山翼帶眾流積以成

谿東流南屈逕上邽縣故城西側城南出上邽故邽

戎國也秦武公十年伐邽縣之舊天水郡治五城相

接北城中有湖水有白龍出是湖風雨隨之故漢武

帝元鼎三年

案近刻訛作二年

改為天水郡其鄉居悉以板

蓋屋詩所謂西戎板屋也濛水又南注藉水山海經

曰邽山濛水出焉而南流注于洋謂是水也藉水又

東得陽谷水又得宕谷水

案宕下近刻衍水字

竝自南山北入

于藉藉水又東合段谿水水出西南馬門谿東北流

合藉水藉水又東入于渭渭水又歷橋亭南而逕綿

諸縣東

案逕近刻訛作入

與東亭水合亦謂之為橋水也清

水又或為通稱矣水源東發小隴山眾川瀉注統成

一水西入東亭川為東亭水與小祗大祗二水合又

西北得南神谷水三川竝出東南差池瀉注又有理

蒲水翼帶二川與延水竝西南注東亭水東亭水又

西右則歎溝水

案歎近刻訛作曠

次西得麴谷水水出東南

案水下近刻衍側字

二谿西北流注東亭川東亭川水右則温

谷水出小隴山又西莎谷水出南山莎谿

案莎近刻訛作涉南

山訛作南北

西南注東亭川水又西得清水口

案此下近刻有清字

水導源東北隴山二源俱發西南出隴口

案近刻訛作龍谷

合成一水西南流歷細野峽

案歷近刻訛作磨

逕

清池谷又逕清水縣故城東王莽之識睦縣矣其水

西南合東亭川自下亦通謂之清水矣

案近刻脫自下亦通四字

及矣又逕清水城南謂西與秦水合水出東北大隴

山秦谷二源雙導歷三泉合成一水而歷秦川川有

故秦亭

案近刻說作有育故亭

秦仲所封也秦之為號始自是

矣秦水西逕降隴縣故城南又西南自亥松多二水

出隴山合而西南流逕降隴城北又西南注秦水秦

水又西南歷隴川逕六槃口過清水城西南注清水

清水上下咸謂之秦川又西羌水注焉水北出羌谷

引納眾流合以成谿澁水星會謂之小羌水西南流

左則長谷水西南注之

案近刻脫則字

右則東部水東南入

焉羌水又南入清水

案近刻脫又字

清水又西南得綿諸水

口其水導源西北綿諸谿

案近刻脫水字綿字

東南有長思水

案有近刻訛作與

北出長思谿

案近刻脫長字

南入綿諸水又東南

歷綿諸道故城北

案近刻訛作歷綿諸故道北

東南入清水清水

東南注渭渭水又東南合涇谷水水出西南涇谷之

山東北流與橫水合水出東南橫谷西北逕橫水壙

又西北入涇谷水

案近刻訛作入西北涇谷水

亂流西北出涇谷

峽又西北軒轅谷水注之水出南山軒轅谿南安姚

瞻以為黃帝生于天水在上邽城東七十里軒轅谷

皇甫謐云生壽丘丘在魯東門北未知孰是也其水

北流注涇谷水涇谷水又西北白城谿東北流案城

刻衍白娥泉水出其西東注白城水白城水又東北

入涇谷水涇谷水又東北歷董亭下楊難當使兒子

保宗鎮董亭即是亭也其水東北流注于渭山海經

曰涇谷之山涇水出焉東南流注于渭是也渭水又

東伯陽谷水入焉水出刑馬之山伯陽谷北流白水

出東南白水谿案近刻訛西北注伯陽水伯陽水又

西北歷谷引控羣流北注渭水渭水又東歷大利又

東南流苗谷水注之水南出刑馬山案南出近刻北

歷平作西北逕苗谷屈而東逕伯陽城南謂之伯陽

川蓋李耳西入往逕所由故山原畎谷往往播其名

焉渭水東南流衆川瀉浪案川近刻鴈次鳴注案鴈

訛作左則伯陽東谿水注之次東得望松水次東得

毛六谿水次東得皮周谷水次東得黃杜東谿水出

北山南入渭水其右則明谷水案明近次東得丘谷

水案近刻次東得丘谷東谿水次東有鉗巖谷水案

近刻訛 竝出南山東北注渭渭水又東南出石門度

小隴山逕南由縣南案由近刻東與楚水合世所謂

長蛇水水出汧縣之數歷山也南流逕長蛇戍東魏

和平三年築徙諸流民以邊隴寇楚水又南流注于

渭闕駟以是水為汧水焉案汧近刻渭水又東汧汧

二水入焉余按諸地志案諸近刻汧水出汧縣西北

闕駟十三州志與此同復以汧水為龍魚水蓋以其

津流逕通而更攝其通稱矣渭水東入散關抱朴子

神仙傳曰老子西出關關令尹喜候氣知真人將有

西遊者遇老子彊令之著書耳不得已為著道德二

經謂之老子書也有老子廟于寶搜神記云老子將

西入關關令尹喜好道之士覩真人當西乃要之途

也皇甫士安高士傳云老子為周柱下史及周衰乃

以官隱為周守藏室史積入十餘年好無名接而世

莫知其真人也至周景王十年孔子年十七遂適周

見老聃然幽王失道案失下近平王東遷關以捍移

人以職徙尹喜候氣非此明矣案此下近往逕所由

茲焉或可渭水又東逕西武功北俗以為散關城案

案脫為字 非也褚先生乃曰武功扶風西界小邑也

蜀口棧道近山無他豪易高者是也渭水又與扞水

合案與下近水出周道谷北逕武都故道縣之故城

西王莽更名曰善治也故道縣有怒特祠列異傳曰

武都故道縣有怒特祠云神本南山大梓也昔秦文

公二十七年伐之樹瘡隨合秦文公乃遣四十人持

斧斫之猶不斷疲士一人傷足不能去臥樹下聞鬼

相與言曰勞攻戰乎其一曰足為勞矣又曰秦公必

持不休荅曰其如我何又曰赤灰跋于子何如乃默

無言臥者以告令士皆赤衣隨所斫以灰跋樹斷化

為牛入水故秦為立祠其水又東北歷大散關而入

渭水也渭水又東南案近刻右合南山五谿水夾澗

流注之

又東過陳倉縣西

縣有陳倉山山上有陳寶雞鳴祠案近刻昔秦文公

感伯陽之言案陽近刻遊獵于陳倉遇之于此坂得

若石焉其色如肝歸而寶祠之故曰陳寶其來也自

東南暉暉聲若雷野雞皆鳴故曰雞鳴神也地理志

曰有上公明星黃帝孫舜妻盲冢祠案近刻脫祠字有羽陽

宮秦武王起應劭曰縣氏陳山姚睦曰黃帝都陳言

在此榮氏開山圖注曰伏犧生成紀案此下近刻徒重一紀字

治陳倉非陳國所建也魏明帝遣將軍太原郝昭築

陳倉城成諸葛亮圍之亮使昭鄉人靳祥說之不下

亮以數萬攻昭千餘人以雲梯衝車地道逼射昭昭

以火射連石拒之亮不利而還今汧水對亮城案汧近刻

訛作是與昭相禦處也陳倉水出于陳倉山下東南

流注于渭水渭水又東與綏陽谿水合案近刻脫綏字水字其

水上承斜水水自斜谷分注綏陽谿北屆陳倉入渭

故諸葛亮與兄瑾書曰有綏陽小谷雖山崖絕險案近

刻訛谿水縱橫難用行軍昔邏候往來要道通入案近

刻昔訛作者今使前軍斫治此道以向陳倉足以扳

連賊勢使不得分兵東行者也渭水又東逕郁夷縣

故城南地理志曰有汧水祠王莽更之曰郁平也東

觀漢記曰案記近刻訛作書隗囂圍來歙于略陽世祖詔曰

桃花水出船檠皆至郁夷陳倉分部而進者也汧水

入焉水出汧縣之蒲谷鄉弦中谷決為弦蒲藪爾雅

曰水決之澤為汧汧之為名寔兼斯舉水有二源一
 水出縣西山世謂之小隴山巖嶂高險不通軌轍故
 張衡四愁詩曰我所思兮在漢陽欲往從之隴坂長
 其水東北流歷澗注以成淵潭漲不測出五色魚俗
 以為靈而莫敢採捕因謂是水為龍魚水自下亦通
 謂之龍魚川水東逕汧縣故城北史記秦文公東
 獵汧田因遂都其地是也又東歷澤亂流為一案近
 流字右得白龍泉案近刻脫得泉徑五尺源穴奮通案
近刻訛字白訛作日淪漪四泄東北流注于汧汧水又東會一水
作流

水發南山西側俗以此山為吳山三峰霞舉疊秀雲
 天崩巒傾返山頂相捍望之恒有落勢地理志曰吳
 山在縣西古文以為汧山也案文近刻訛作國語所
 謂虞矣山下石穴廣四尺高七尺水溢石空懸波側
 注湍濟震盪案近刻發源成川案源下近北流注于
 汧自水會上下咸謂之為龍魚川汧水又東南逕隄
 糜縣故城南王莽之扶亭也昔郭欵恥王莽之徵而
 遯跡于斯建武四年光武封耿況為侯國矣汧水東
 南歷慈山東南逕郁夷縣平陽故城南史記秦寧公

二年徙平陽徐廣曰故郿之平陽亭也案郿近刻城

北有漢邠州刺史趙融碑靈帝建安元年立泝水又

東流注于渭案近刻脫注字渭水之右磻谿水注之水出南

山茲谷乘高激流注于谿中谿中有泉謂之茲泉泉

水潭積自成淵渚即呂氏春秋所謂太公釣茲泉也

今人謂之九谷案九近刻訛作凡石壁深高幽陞邃密林障

秀阻人跡罕交東南隅有一石室案近刻脫一字蓋太公所

居也水次平石釣處案水下近刻衍流字即太公垂釣之所也

其投竿踞餌兩鄰遺跡猶存是有磻谿之稱也其水

清冷神異北流十二里注于渭北去維堆城七十里

渭水又東逕積石原案近刻脫積字即北原也青龍二年諸

葛亮出斜谷司馬懿屯渭南雍州刺史郭淮案近刻脫刺史

二策亮必爭北原而屯遂先據之亮至果不得上案

刻脫此四字渭水又東逕五丈原北魏氏春秋曰諸葛亮

據渭水南原司馬懿謂諸將曰亮若出武功依山東

轉者是其勇也若西上五丈原諸君無事矣亮果屯

此原與懿相禦渭水又東逕郿縣故城南地理志曰

右輔都尉治魏春秋諸葛亮寇郿司馬懿據郿拒亮

卽此縣也渭水又東逕郿塢南漢獻帝傳曰董卓發

卒築郿塢高與長安城等積穀爲三十年儲自云事

成雄據天下不成守此足以畢老其愚如此案渭水

郿塢南至此原本及近刻並訛在後雍水之末又南

流注于渭下今考元和志云郿縣故城在今縣東北

十五里董卓塢在縣東北十六里寰宇記云武功故

城在今郿縣東四十里郿塢卽與郿縣故城北近不

水經注卷十七

得隔越武功方及郿塢今改正



